

flavis subseriatis instructa. Hemelytra macula basali totam latitudinem, apicali parum magis quam dimidium latitudinis corii occupante; membrana fusca, ad apicem cunei macula hyalina. Venter pallido-pubescens.

#### 5. *Cyrtorrhinus parviceps* n. sp.

Niger vel piceo-niger, nitidus, antennis articulo primo ima basi et apice, macula verticis utrinque, pronoto antice, marginibus peccoris, ventre medio late pedibusque pallide ochraceis, tibiis basi fusca vel nigro-picea; hemelytris sordide flavo albidis, membrana hyalina, venis pallidis; capite basi pronoti  $1/4$  ( $\sigma$ ) vel fere  $1/3$  ( $\varphi$ ) angustiore, oculis parum prominutis.—Long., 2  $1/2$  mill.

Egyptus, Cairo m. majo legit D. Dr Schweinfurth; in paludibus prope Aboukir D. Innès; communicavit D. Autran (Coll. Autran, Montandon, Reuter).

*C. pygmaeo* Zett. simillimus, capite multo angustiore tibiarumque basi nigro-picea vel saltem fuscescente mox distinguendus. Capite angusto ab omnibus *Cyrtorrhini* speciebus divergens, cum eis tamen notis reliquis congruens. Corpus oblongum ( $\sigma$ ) vel oblongo-ovatum ( $\varphi$ ), omnium subtilissime pallido-pubescens. Vertex oculo  $2\ 2/5$  ( $\sigma$ ) vel  $2\ 1/2$  ( $\varphi$ ) latior. Oculi fusci, laeves. Antennae articulo primo ima basi apiceque albidis, secundo latitudini basali pronoti longitudine aequali ( $\varphi$ ) vel hac parum longiore ( $\sigma$ ), ultimis simul 2° paullo longioribus. Pronotum basi longitudine duplo latius, lateribus leviter sinuatis, fascia apicali ochracea interdum medio interrupta, ipso margine apicali fuscescente. Tibiae nigro-spinulosae.

#### 6. *Campylognathus* n. g.

Corpus oblongum, capite verticali, distincte transverso, a latere viso altitudini fere aequae longo, clypeo compresso, angusto, sat prominente, medio fortius arcuato, basi fere in linea intermedia oculorum posito, oculis pronoto contiguis, in genas longius extensis, minute granulatis, gula horizontali ab apice oculorum subito antrorsum declivi; rostro coxas intermedias attingente, articulo primo caput haud superante; pronoto callis discretis, transversis; antennis ( $\sigma$ ) brevibus, paullulum supra apicem oculorum interne insertis, articulo secundo capite vix latiore; femoribus totis concoloribus, innotatis; tibiis nigrospinulosis; tarsis posticis articulis duobus ultimis longitudine aequalibus, unguiculis versus